



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 4. Mores Sarmatarum.

urn:nbn:de:hbz:466:1-13167

§. 2. *Quantitas.*

NIHIL certi h̄ic pronunciari potest propter ignorantiam eorum locorum, de quā in veterum erroribus lib. 2. primæ part. To. 1.

§. 3. *Qualitas.*

HIC maximum frigus omnes veteres agnoscunt : Sylvas immensas Mela, vt & lātissima pascua fluuii exuberantibus : quamquam alicubi tantam ligni agnoscat inopiam, vt dicat incolas uti ossibus pro ligno. Sed fertilissima Taurica Chersonesus, quā alias pependit Mitridati Eupatori c x x c. medimnorum millia, & talenta argenti c.c. ut h̄ic taceam de frumento in Gr̄eciam, & Athenas deportato. Piscatio quoque ad Meotidem paludem luculenta, vnde laudantur Taurica Salsamenta. Equos ferocissimos habet tota h̄ec regio, ideoque omnes castrantur ut mansuetiores sint : h̄ec & plura Strabo lib. 7.

§. 4. *Mores.*

MIXTA habebant connubia, hoc est communes vxores: *Tacitus.* eas autem colebant ut dominas: *Stobaeus.* Sic obtegebant se pelli- bus ut tantūm oculi, atque os paterent: *Mela.* Tertio die tantūm cibum capiebant: *Ifigonus Nicæensis apud Plinium.* Viuebant plerique in cauernis, *Mela.* Auri & argenti maximarum pestium ignari erant, *idem Mela.* Incolæ Chersonesi mansuetiores, & πολιτε- ποι, sed lucro dediti, quare fures & piratae: *Strabo lib. 7.* Interius habitantes feri, & crudeles. Bella & lites amant, quem primum interemerunt eius sanguinem ebibunt, & quo quis plures interemerit eō nobilior: neminem interemisse probrum maximum: *Mela.* Crudelitatis testes Thoas, & Diana Taurica: *Herodotus lib. 4.* tradit Iphigeniae immolatos fuisse omnes naufragos, iis caput percuti clauâ, truncum in mare deturbari, caput affigi conto, & tectorum fastigio imponi. *Strabo lib. 7.* ideoque pontum olim ἀξενο- dictum, quod Scythæ hospites immolarent, deuorarent, & eorum caluitiis pro poculis vterentur. Reliqua in singulis populis proferentur commodiūs.